

青州府志卷五十二

傳四

仙釋傳

二氏之學儒者弗道而百家傳記恆稱述之豈其人盡侏儻而言皆荒誕哉蓋物與無妄心理皆同其學雖不必信而其人其言有可采者亦志乘家所必及云

漢

少翁齊人以鬼神方見上上有所幸王夫人夫人卒少翁以方蓋夜致王夫人及竈鬼之貌云天子自帷中望見焉於是乃拜少翁爲文成將軍以客禮禮之

史記封禪書

青州府志卷五十二

一

李少君字雲翼齊國臨菑人好道入大山采藥修絕穀全身之術遇安期生少君疾困叩頭乞活安期生以神樓散一匕與服之卽愈乃以方千上言臣能凝瀕成白銀飛丹砂成黃金金成服之白日昇天身生朱陽之翼體備員光之異聳則凌天伏入無閒控飛龍而入遐遍乘白鴻而九陔周冥海之棗大如瓜鍾山之李大如瓶臣以食之遂生奇光師安期授臣口訣是以保萬物之可成也於是上甚尊敬爲立屋第

漢武內傳

巫炎字子都北海人官駙馬都尉武帝出見炎於渭橋其頭上鬱鬱有紫氣高丈餘帝召問君年幾何所得何術對

曰臣百三十八歲亦無所得召東方朔使相之朔曰是得陰道之術帝屏左右問之對曰臣年六十五苦腰痛腳冷不能自温又痺不能行得此道以來七十三年今有子二十六人氣力如壯時無所憂患帝曰卿有道不聞於朕非忠臣也對曰臣誠知此道爲眞然陰陽之事宮中不利臣子所難言行之皆逆人情故不敢以聞帝曰戲之耳卒受其術炎年二百歲白日飛昇而去

列仙傳

馬明生臨淄人本姓何字君實少爲賊傷幾死忽遇太眞夫人與樂一丸服訖卽愈乃自號爲馬明生隨夫人入岱山石室試以鬼怪狼虎不懼挑以美女不動夫人曰可教

青州府志卷五十二

二

矣安期生至夫人令明生師期生以詩留別而去後得期生丹經神方入華陰山修煉靈帝時太傅胡廣訪以國事

俱驗遂餌金丹白日昇天

舊志山東通志

隋

李清益都人少學道多延方士開皇四年嘗入雲門山窟仙人授書一軸甫半日歸視其城郭人民屋室皆變無一相識者訪其子孫皆云嘗入南山不知所終時爲高宗永徽元年開所授書視之乃小兒醫方療之立愈齊魯間從學者甚衆後入泰山莫知所終

舊志

唐

保恭青州人本崔姓幼年入道晚而愈精自陳隋以來咸禮重之年八十餘卒祕書監蕭德言有碑記

舊志山東通志

張道通齊人修道於沂水織女山仙洞中年三百歲人作

迎仙觀於其下

舊志山東通志

宋

劉野夫青州人嘗約龔德莊曰今夕君家人必出我往見

君至晚德莊坐侍不至俄火自門起德莊犯烈燄出四傍

皆燼異日野夫來曰君家人幸出可賀也宋政和間寓興

國寺人計其壽一百四十五歲

舊志山東通志

雪竇禪師趙州人本名李重顯自幼出家駐雪竇山後詔

青州府志卷五十二

三

移琅邪山身披布衫五十年不易嘗作雪竇布衫偈云趙

州無義漢雪竇老婆禪一川風雨後明月獨當天

舊志山東通志

普濟禪師姓孫氏樂安人參諸尊宿深契宗旨開堂胸西

逢山熙甯五年敕建功德碑祕書監趙伋書

傳燈錄

金

張信真樂安人號希彝子其母夢一馭鶴仙人現空中遂

感而娠既誕三月母亡年六歲穎悟過人從父禮大通為

師戒行精嚴祛邪治疾大有靈應年五十五端坐而逝賜

號大道三祖圓明真人敕建修真觀在城西十五里

以樂安修

真觀碑  
記修

元

邱處機棲霞人自號長春子自棲霞西入關過益都太守徐君館之長春相其宅曰此福地也徐即施與之遂築宮焉井鹵不可食使弟子詛茶投之即成甘泉

以元史及舊志修

善道臨淄人入大藏信手探卷得觀無量壽佛經文往廬山觀遠公遺躅豁然增慧後遁迹終南復往晉陽從綽禪師受經忽曰吾明日歸去至期怡然誦佛而逝

舊志

辯和尚不知何處人嘗至青州創普照寺世稱青州辯和尚禪教盛行北方二百餘年燕秦齊魯之間入是宗者皆

其後學有青州百問一卷

舊志山東通志

青州府志卷五十二

四

明

張三丰遼東懿州人名全一一名君寶三丰其號也以其不飾邊幅又號邈邈永樂間隱於雲門山之陽游處無恆或云能日行千里嘗在日照縣傅疇社張翔家傭工一日使往諸城買菜種屬曰路遠可宿於桃林某友家丰即日回主訝其速曰汝尚未去耶丰曰已買得矣主曰誑我詰之再三不信時有鄰嫗語人曰適見老張騎鵝從半空中下不知其為鶴也後訪其友家果一飯始信其為仙云

舊志

案明史三丰本傳三丰嘗遊武當諸巖壑太祖聞其名遣使覓之不得後居雞寶之金臺觀一日自言當

死留頌而逝及葬聞棺內有聲啟視則復活乃遊四  
川復入武當歷襄漢絕無隱於雲門山之文然舊志  
稱其嘗在日照縣傅瞳社張翔家傭工言之鑿鑿似  
非無據姑錄之以俟博識

道成北平人有戒行能屬文嘗寓萊州大澤山智藏寺洪  
武初來青州十五年召至京師太祖咨以世務授青州府  
僧綱司都綱

舊志

雪蓑不知何許人無姓名浪遊東土居青州者數年人以  
其言貌似吳人問之汝吳人耶曰是蘇州人耶曰是舉動  
譎怪好談元理嗜酒飲無算人爲娶婦納之而不與交與

青州府志卷五十二

五

之錢物衣履遇貧者卽與之醉輒箕踞嘲罵王公或取困  
辱亦不爲意詩尙豪放善作方丈大書今雲門山有大壽  
字在峭壁上其手筆也後去不知所終

以舊志及山東通志修

宗興住心寺明衡府商河王深悟內典捐俸建寺請爲院  
主大衆敬服是曰佛誕興沐浴更衣辭衆坐化又雲兜亦  
住心寺戒律精嚴通徹禪教商河王甚敬禮之一日辭謝  
至晚合掌坐化茶毘之

舊志

明開字心空成都龐氏子幼聰敏強記度後出峽遍訪名  
僧如蓮池雪浪皆得入其室名噪江南北萬歷二十八年  
自江南來諸城居九仙山五朶峰結精舍不招而學者雲

從三十年秋走京師上書神宗乞買山錢於是神宗遣中使齋璽書賜名五朶峰爲五蓮山頒帑金建光明寺巍然巨觀崇禎元年元旦忽鳴椎集衆呼法孫海徹曰五蓮泉三被綸音可謂海隅盛事矣吾事已畢將遊寥廓耳汨然而逝

山東通志

國朝

道忞廣東人初投青州法慶寺爲僧堅持戒律派衍臨濟正宗後住四明之天童山開堂說法弟子常至千人順治間

賜紫衣加號宏覺禪師

山東通志

青州府志卷五十二

六

許神仙名慎行博興人乾隆間得異術人莫知其所自跛一足年十二三嬉入葦塘中羣兒聯臂求之不得奔告其母而慎行已坐牀上大笑母嘗以蒸黍饋外大母慮路遠慎行願往家人尾之不及及返言兒去甚疾返與舅俱故遲遲旣而舅果至云甥饋黍時器尚温也母大驚問爾何跛爲慎行笑卒不言遂出遊不返十餘年間濱州有許神仙者坐四輪矮輿爲人醫病奇驗家人疑而探之果是勸其歸不可州牧某以爲妖繫之獄無何牧母病母必求神仙醫牧不得已出之神仙曰南面見囚可也見醫宜設杯茗北面揖牧從之以茗飲其母病立愈牧命輿馬送歸甫

出城風沙大作送者目眩風息而神仙弗見三日後仍在  
城醫病如初一日神仙驟病歿遺命弟子爲牀舁屍歸博  
興其弟在里見神仙一足著鞞一足跣而荷鞞於肩南行  
呼之弗應少頃舁者至弟疑兄非令終喧詰舁者神仙猝  
起曰死有定數此何爲者弟詫喜命家人出見見已復登  
牀死其徒數十人出貲財以葬神仙爲鉅墳云

博山  
縣志